

Jus Canonicum Practice Explicatum

Seu Decisiones Casuum Ad Singulos Decretalium Gregorii Papæ IX. Titulos,
& ad Consuetum Referendi Modum accommodatae

Complectens dimidiam Decretalium Partem, videlicet nonaginta duos
Titulos, nimirum usque ad Titulum XX. Libri de Feudis exclusivè

Pichler, Vitus

Ingolstadii, 1728

Quæst. An Servus originarius sine manumissione ordinetur licet?

[urn:nbn:de:hbz:466:1-62305](https://nbn-resolving.de/urn:nbn:de:hbz:466:1-62305)

TITULUS XVIII.

De Servis non Ordinandis.

DECISIO XVIII.

De Filio Servi adscriptitii Ordines petente.

SPECIES FACTI.

Servilius coloni, Domino suo territoriali personaliter & ita ad terram colendam subjecti, ut nec ipse nec liberi ejus sine obtento Domini speciali consensu ad alium locum se conferre queant matrimonii, opificii &c. & stabiliter permanendi causâ, adeoque servi adscriptii, vel hominis proprii filius, consequenter & ipse servus originarius, ut vocant, post absoluta Dilingæ superiorum disciplinarum Studia cum ingenti laude egredi profectus, & morum integratissimam contulit collationem Ordinum petiturus. At ex litteris legitimæ nativitatis testibus patuit Examinatoribus, Servilium in loco natum esse, ubi coloni non quomodocunque sunt subditi, sed etiam servi adscriptitii, vel homines proprii, ideo petierunt ab ipso, ut exhiberet quoque litteras manumissionis, & licentia, sine qua frustra Ordines peteret. Unde

QUÆRITUR.

An Servilius, tanquam servus originarius, sine manumissione non fuisset liceè ordinatus?

Munumissionem ipsi non fuisse necessariam suadetur 1. Ex l. 13. c. de Apric. & Censt. lib. II. ubi hujusmodi homines pronuntiantur vere liberi. 2. Ex c. 15. de R. I. in 6. ubi habetur, odiosas dispositiones stricte accipiendas esse: cum igitur in b. t. speciatim c. 5. in fine quicunque servilis conditionis ad ordines promoveri prohibeantur, id intelligendum erit de servis propriè dictis, qui contra naturalem libertatem ita subjiciuntur alieno dominio, ut instar aliarum rerum possideri, vendi, ac alienari possint,

O 3

possint, & quidquid acquirunt, dominis suis acquirant; quales non sunt adscriptiti, & ex his nati originarii. 3. Hujusmodi admittuntur ad actus legitimos, & civiles, possunt habere bona propria, esse testes in Judicio, exercere commercia, celebrare contractus: cur ergo removeantur ab Ordinibus, & ab his bonis tanquam spiritualibus? 4. In specie sunt habiles ad Matrimonium sine petita & obtenta licentia Dominorum suorum, ut plerique tenent omnes, quod sciunt: ergo & Ordinum capaces sunt absque licentia Dominorum.

Sed communis sententia etiam istos ab Ordinibus repellit, nisi prius obtinuerint consensum & manumissionem à dominis suis, propter clarum textum in can. 21. d. 54. ibi: etiam ab Originariis, vel qui alicui conditioni obligati sunt, volumus temperari; nisi forte eorum petitio, aut voluntas accesserit, qui aliquid sibi in eos vendicant potestatis. Item in can. 12. d. cit. ubi servi & originarii ad Monasteria, vel ad Ecclesiasticum famulatum admitti prohibentur ex causa, quod non conveniat hac obligatione fuscari ipsam ministerii Clericalis dignitatem. Accedit ratio duplex, nimurum quod minus deceat, ut homines alii personaliter devincti, ut & inde viles, applicentur ad sacra ministeria tanquam Dei famuli publicè deputati, item quod dominis fiat aliquid præjudicium, si personæ, specialiter sibi obligatae ad colendos fundos, sibi auferantur, jurique suo in eas jam quæsito subtrahantur. Ob

quas rationes servi propriè dicti, & ad ratiocinia obligati, aut sponsis ad stricti ab Ordinibus repelluntur tam à Jure Canonico quam à Consuetudinario. Si tamen longo tempore, ad consuetudinem introducendam sufficienti, uti censetur 10. anni, passim & plures hujusmodi servi originarii vel ignorantे vel consciente domino ad Ordines fuissent admissi, consensu ejus non petito, jus domini sublatum fuisset, vel per tacitam renuntiationem, vel per consuetudinem aut præscriptionem arg. c. 43. in 6. & l. 142. ff. de R. l. & l. 1. C. que sit longa consuetudo, in l. 2. C. de præscr. longi temp. 10. et 20. ann. Quo casu etiam deinceps dominō irreqūsiti originarii in tali loco Ordines licet peterent & obtinerent.

Argumentis contrariis parvum vel nihil mest roboris; nam R. ad 1. Pronuntiantur ibi verè liberi, h. e. non obnoxii verae & propriè dicta servitut, non verò eximiū ad omni servitutē & obligationē personali ad alterum. Ad 2. Jus & ratio clare comprehendunt quoad Ordines etiam servos originarios, licet minus strictè servos. Ad 3. Quare non admittantur ad Ordines, patet ex textibus Juris & ratiocinis allegatis. Ad 4. Matrimonium originariis nullibi prohibetur, nec inde per se oritur præjudicium dominis, nec indecens est, eos ad hunc statum admitti, quem natura omnibus voluit liberum, uti & Deus: bene tamen prohibentur ipsis Ordines sine licentia dominorum, jus personale in ipso habentium,

TITU-